

物理小識

十二

			五	漢
		三	二	書
	一	六	一	門
五	二	六	一	
冊	架	函	號	類

庫文閣內			
三		五	漢
〇		三	書
六		三	
二	九	一	
冊	冊	號	類

庫文閣內	
番號	漢 5331
冊數	5 (5)
函號	307 260



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





浮山此藏軒物理小識卷之十

鳥獸類 上

皖桐方氏子

中德中履編錄
中通中發

淺草文庫



鵝○以一歲再伏者為種三雌三雄宜少雌宜老八月
生卵可拖五六月生卵熟不堪拖則拔去其兩翅十二翻
以停之鵝母頭欲小口齧有小珠滿五者生卵多滿三者
為次鵝不食蟲諺曰鵝齋

鴨○宜六雌一雄春卵四月出者良端午不放栖只乾食
不與水則日日生卵禽惟鴨不能抱子養湖鴨者砌上池

置于卵而以栗火温其外時至則出或以稻伏養者取其
卵聽之而別雌雄留其雌者然此小鴨買與人養多死彼
自有藥解其火毒中德曰高雲客言琉球
雞飛上木而每鵝鴨
雞○霜降時尾之者良母雞下卵時逐月內襍飼麻子永
不肯抱當生卵忌柳柴烟能損目有病灌以清油傳瘟磨
鐵漿染米與食水眼以白礬傳之養雞元雄取其卵蘸童
便就釜底染煤而音凡雞鵝鴨伏卵慮有擊聲卵殼故雷
震必以鐵置其巢俾雅曰伏卵忌磨鵝惡絞車聲凡初生
必饑之過三晝夜乃聲之不則內閉鳥骨雞舌黑者骨黑

則肉黑秦和低脚者補外紀墨是可國有雞大於鵝吻上
右鼻可伸縮如象馬罕莫大巴是黑人國產雞皆黑老雄
雞胸中有物如道人裸身跪而反接雞首塗鷓鴣血即伏
不能起雞生三日即能自食雞伏二十日乃碎啄而出出
三日乃能行卵留二三月即伏不出矣少天曰雞兩眼旁
通可以治耳愚者少見術家釘雞眼於柱少頃拔之無血
雞走如故蓋雞兩眼止隔一膜也中德曰雞子開小竅去
黃白入露水湖以油紙
日中晒之雞地三四尺
中復曰小雞為羣雞
飛欲死者急取木盆覆之以筋敲其底自活
○穀食飼以硝水能取食通之積其餘再飼易伏卵足

病取古墻中螺朽殼并續隨子銀杏擣為丸狗糞中米
食則死鴿交獨雌乘雄歲十二生白蟻惡鴿與竹雞聲

雉○雉聞雷而雉常與蛇交其子在地遇雷則深入為蛟

蜃爾雅所列以色分之其飛高不過丈故城以雉度以文

故士用為贄性毅故武士飾之然藏頭而不能藏尾外紀

既未蠟之雉有重十五六斤者

翡翠○漢書越王獻武帝翠鳥五十隻即翡翠也顧峴曰

翡翠生於黎之茂林晴霽日始出愚見廣州七夕以翠涎

遊此鳥隨處有之廣南多也

鶴○鶴聞降真香則降其糞能化石有白者灰色者夜以

一足立而睡儲泳曰道士用活雄鳩血書符殺命助靈以

召鶴雀取紫降真香茶煮出油而焚之鶴即主移門廣牘

曰鶴脰脫易折折者截青竹三四寸手劈兩斤掘白類蚯

蚓數條鋪管中夾而縛定仍取數條與啖之候餓頃即如

故

孔雀○禊俎曰孔雀聞雷而孕今按孔雀出南海羣飛數

為偶雌者尾短無金碧雄者生三年有小尾五年成大尾

三四月後復凋自喜其尾兩不能高飛人往擒之養久見

人彩衣聞絃歌張翅而舞見人穿釘靴持雨傘逐咏之煮
食味似鵝解百藥毒有與蛇匹生者一曰都護取尾者將
刀急斷之彼若回顧金翠無彩矣其有血能鳩人尾作帚
可散水片見墨莊漫錄

鶴○鶴有長水石巢中養魚或曰取礬繞卵助躑術家取
之又能禹步轉石覓蛇今按鶴巢無礬或礬地鶴取之耳
蔣八公曰鶴仰鳴晴俯鳴陰其巢高下驗風

壓油鳥○益州鳥名壓油肥則自投番舶壓油皮骨僅存

雁○霜前白雁食稻飽飛不起易為人得李豫亨椎蓬寤
語曰雁肥而歸故借蘆以助風力塞北風高則無事此故
投蘆於雁門開非避網也

燕○燕初啣泥必四堆橫一艸胸班者胡燕不多呢喃巢
作小口胸赤者越燕好鳴其巢門向上舊說燕畏炳火戊
日不歸貞白曰胡燕作窠長能容二尺細者令人家富若
窠比向尾屈白者是數百歲燕仙經謂肉芝食之延年此
不可信周益公見吉江蟄燕文崑山治橋上中皆燕朱翼
引郝鑿爲克州掘野鼠蟄燕食之

燕窩○王麟洲曰燕窩菜海燕所築啣之以飛倦則置海面浮之久後啣飛吹泊山澳人乃得之陳懋仁曰金絲燕育子時羣飛近沙啄蠶蝶食蠶螺背有兩助堅潔而白食之可補虛損已勞瘵故燕食之肉化而助不化并津夜嘔出結為小窩附石上劉薦叔曰燕兩生雛者不能還則冬蟄海邊有人云海生沙筋如石花菜之類親見燕啣作窠麟洲無功其誤聽與姚有僕白燕窩能止小使數本艸木載

制燕法○軒懸艾作人硃書鳳凰在此互幡一柱中棟四

挂前後架則燕不來巢或以蛇血書方勺曰盡上二條曰
驚燕燕見紙條則飛去中履曰燕不窠楮棟又燒烟即去

鷓鴣○鷓鴣獨居一丘林有化雀來必鬪人以鷓鴣四誘鬪而取之鷓鴣一名鴝音多對啼南越志云其名自號杜薄州一曰釣輞格傑鴝肉解金毒中鴝毒以薑解之以鴝食半夏也

盜鴟○十月毛落而寒號忍凍冬聚柏實食之又自食其遺遺而復食故其味為五靈脂此東壁所未詳者

人老鴉○山啄木鳥頭上有赤尾野人呼為火老鴉能食

人炭王元之詩云淮南啄木大如鴉頂似仙鶴淮丹砂或見其啣火向家則必有災尋常間物自有異性豈必劉郁所言富浪之食火雞而後訝之耶

白鷓○雌雄相視則孕雄鳴上風則孕古稱鷓鴣以目交屬王鷓鴣類也然鹿湖人有見鷓鴣交者

亞既刺鳥○利未亞有鳥曰亞既刺乃百鳥之王壽最長生子令視日不瞬者乃留之受人之德亦報人

養鷓鴣法○鷓鴣六月畏寒養之者以絮裹之餵以胡椒秋冬乃放之入水取魚其抱子在夏強者能啄大魚之睛

隨其浮游而數鷓鴣制之以上

能言鳥○鸚鵡秦吉了倒挂鳥鳳一類也鸚小者五色吉

了大惡烟倒挂鳥食香烟而復吐之能言者聲似耳孫恹

韻咧咧即鸚鵡俗呼八哥白露日取而閉甕中竟夕屆天

中小修其舌如是者三劫解人語晉司空桓豁鎮荊州有

此鳥聽琵琶學座客言多少雖鼻者納頭甕中遂爾酷似

牛○耕牛眼去角近眼欲大眼中有白脈貫瞳頸稍長大

後脚股闊然快毛欲短密疎長則不耐寒齒牙欲白耳角

欲近角欲得細身欲得粗尾稍長大無帶抱喉及臨耳者

竝吉俗呼旋謂之箭四箭六箭相對者佳面短毛赤登尾
稍亂毛轉竝上命夭凡母牛毛白乳紅孳子多乳疎黑無
子謂之飄沙其生子時子卧面相向吉相背子疎一夜便
糞三次一升生一子一夜一次二年生一子甯戚相牛經
褚榮陽法皆後作也酉陽云毛少骨多有力溺射箭者良
牛也眼下旋毛曰淚滴齒齧有緣招官災兩角間有亂毛
妨主耳後旋毛招盜賊牛畏熱又畏寒艸襍豆飼肥潤耳
溼冬以牛衣則無病也艸服以醋灌之硝亦可或從後探
去其毒若瀉痢煎敗毒散或解毒湯飲之吉水瀟灑之水

南水北其牛不穿鼻而耕金谿之遠都亦然土人相傳羅
隱授記則附會也牛生有重蹠三日內割其外皮則後來
行不畏石生四齒時教以來耜視其角根細則老矣鼻州
云牛爲雷擊死者其皮鞞鼓海船用之見龍雲起則播之
龍則不迤山西黃牛大於水牛一牛牽一乘大車水牛胎
十二月而生黃牛胎十月馬初生人以青布拭之卽能行
子牛生其母自舐之卽能行牛無空胎一年一生

年○臘月孳者良牡羔三日卽綸絲結痔其外腎以艸襍
糲豆則易肥春夏早放早收枚遲遇牛熱汗出有龍塵入

膚卽生疥癩秋冬遲放若食早露水艸口生瘡又鼻生膿
或腹瀉則表減而墳首也棧宜高乾久在泥中則生繭靨
作癩羊好鹽鹽啖之則綿毛四月剪之不熟八月再剪之
令長氄過冬凡疥癩炒蕎麥子爲黑灰和白礬硫黃末油
調先刮癩而擦之愈羊夾蹠火燻鐵篦而熬殺羊脂勻上
烙之勿令入水次日卽愈羊爲火畜功主青盲北羊爲勝
俾雅曰羊性前逆王延德高昌行記羊尾重三斤大尾羊
卽靈羊細毛薄皮西番以作紙杭州以作燈主麟洲曰黑
羊皮能療杖瘡閩中盛產羊獨汀不產羊年食仙茅舉體

皆脂外紀際刺產異羊羝細無比雨中衣之略不沾濡
種羊法○吳萊有西域種羊皮畫禱歌劉郁出使西域記
言以羊臍種間雷上臍驚以木聲臍乃斷至秋可食臍內
復有種名瓏種羊北戶錄亦言大秦有地生羊臍與地連
但禿馬擊鼓以驚絕之吳策淵穎集言以脛骨種可信物
理猶今以人灰伏鴨卵餅合裨暴掩土而種蟲飼雞也東
山紀言有四角六角九尾羊麤羊卽山海經之羝費信星
槎勝覽云阿丹國羚羊自胸生尾垂九塊名九尾羊卽桂
樹蹠節之麤羊也有遺雀稼肝年伯者如指大有十六節

耳就之有聲

豕○相傳留長襦相羸法短項元柔毛者良一廂有三牙者難留椎豚不長搗麻子二升鹽半之煮和糠飼之立肥豕必積牢止宜二三畜多則胎殞矣熱病斷其尾尖刺其耳血流啖生策腹朴硝驅浴於水愈疥癩用豆油滓百艸霜擦之復飼百艸霜愈逢東白蹄為奇廣則大抵花白

馬○馬援鑄銅馬或李伯樂馬經黃直馬法皆後作也三十二相訣曰眼似垂鈴鮮紫色滿空巴出不驚然白縷貫瞳行五百班如檝豆不同看面顛倒擊如錐背鼻如金盃

可藏拳口又須深牙齒遠舌如垂劍色如蓮口無黑壓須長命脣如垂箱蓋一般食槽寬闊腮無肉咽要平分筋要闌耳如楊葉刀批竹燕骨高兮髀不堅入肉分弓彎左右籠禽高兮上古傳項長如鳳須彎曲鬃毛茸細要如綿鬚長膊闊搶風小臆高胸闊脚前寬膝要高兮圓似掬骨細筋粗節要擠蹠要圓實須早立身中充闊要平安助骨彎弓須緊密排安肉厚穩金鞍三峰壓壓須臧骨卧如猿落重如山鵝鼻曲直須停穩尾似流星散不連骨筋大小須勻壯丁節攢筋緊一錢并髭有距如雞距能急奔走日行

千其旋毛訣曰頂旋號騰蛇不利長當知後旋曰卷門前
賺曰狹屍黑色耳全白從來號孝頭的盧如入口有福亦
須休背旋鞍貼下駝屍之說真眼下毛生旋逆看是淚痕
襜耳駝鬚項雖然毛病殊若然兼抱尾有實不如無董道
曰漢武見汗血馬血從前膊小孔中出今畫汗血出於革
毛張戡作番馬缺耳犁鼻蓋謂鼻不裂則氣盛衝肺耳不
缺則風搏不聞音也韓幹攷時日面方位然復定形骨毛
色豈無謂乎凡馬胎十二月而生其壽爲三十年畏暑不
畏寒棧中以藿豆襍貫衆秣之病宜洗凜不宜日晒駒生

時以乾土塵遍染其體而探捻之能馴而不啼嚙以銀簪
分界其鬃則兩開韓鄂云係侯則馬不疥元志曰每月上
寅以鹽啖之則馬無病○驢以鳴聲數多者強耳似翦腿
似鍾尾似刷一連三滾者有力也忽里謨斯國有福錄似
驢而花文卽儀禮所謂閭也羸耐走不多病病則難治生
羸同馬法段成式曰羸不孳乳愚者按阮人多國羸能傳
種說文羸驢文馬母馱馱馬父驢母駝駝驢父牛母漢匈
奴傳所謂奇畜也凡馬羸皆畏騎者足夾之當胸箕心之
傍槌之則彼痛颯養驢馬者令後足低於前足使其箕心

漸大亦一法也箕心大者力定自不踣邊槎路凡眼泡上
有小窩窩有直筋橫筋則強九生跛而醫愈者其足之筋
必起小珠如豆大如此為驗老馬食地黃為駒食鼠糞腹
脹食雞糞生骨眼飲猿溺碎瘟其啣人者以殭鷲塗其喙
馬尾後抽縷破者以蛇蛻燒炭香油調敷或乾糝之破脊
以臭溝泥塗之愈馬駒生布灰作圈駒止圈中謂之新灰
拘駒驢馬駒隨丹則知月中月未月初生者在母前月後
生者在母後萬畢曰螢火畏皮置土中馬見之嗚呼不敢
行贊寧說海馬骨在地則馬不肯行吳人呼疾速為飛風

唐制風印右髀飛印左髀正鹽尚來局尾側印三花

犬○焚艾烟熏其鼻長則捕鼠食竹茹則啞食木齧則死
廬山紀事曰以苧麻烏頭和豚肉使狗食之則瘡禠五行
志曰白犬虎文畜之至萬石黑犬白耳主富貴黑犬白前
兩足宜子孫白犬黃頭黃犬白尾或白前兩足皆吉瑣碎
錄曰黑犬能辟伏屍舌青班者識盜賊無故掘坑者有災
獵犬瘦而長爾雅所謂長喙檢短喙歡驕也犬者曰數今
西洋多有來者狗生七日乃開眼能行諺曰春臭夏蠅秋
靈冬蠢小吠吠不止滴香油鼻中沈周禊記云狗肝色如

泥土臭味亦然故人夜行土上則肝氣動蓋相感也孟詵
曰狗膽和通艸桂為丸服今人隱形魏志華佗以狗膽治
劉勲女膝瘡出蟲若蛇故人傳曰白赤犬膽為能辟邪晉
元永昌二年訛言蟲病得白犬膽可救是也猪記室曰至
治元年王案山產小赤犬羣吠遍野諳尼利亞犬猛一犬
可殺一虎遇獅亦不避也哥而西加產犬能戰一大可當
一騎

暄曰犬以溺記
路回嗅而知之

猫○旦暮目睛圓午斂如綫鼻端常冷夏至一日煖病則
磨烏菓灌之生蚤擣桃葉觸之黑色者於暗中逆將其尾

則火見獅子猫炙猪肝與食令毛形潤凡猫口膠有浪九
浪者能捕鼠提其耳而四足攢者衣以長則懶也亦捕蛙
及魚猫若啣物吹耳即放其自番來者有金眼銀眼有一
金一銀者食薄荷則醉一產一子則棄之一產三四皆雄
皆雌不可畜香山隩客有小狗如猴能捕鼠即蒙頌也本
艸以蒙頌為蛇非猫食甘艸則死乳子時子病乳少及為
屬虎者見皆食其子小猫叫不止未陳皮塗鼻上凡狗秋
生者佳猫春生者佳雌無雄則求種于牛麩左藏一曰荒
年雌猫求雄不得則以斗盛猫擣於甕前牛糞堆樸三下

則胎往不信今果然

暄曰于呼春時按水中三度即胎

狼○狼多籍艸艸穢亂曰狼籍狼腸直故邊塞以狼矢為

烟鳴則後竅皆滯狼畏圓人解帶作圈狼輒去淮南曰狼

皮在戶羊不敢出羅願曰狗是豺之舅見狗則跳亦各有

所制也

制獅法○束哲發蒙記獅子畏鈎戟外紀言利未亞多獅

畏雄雞車輪之聲

制獺法○張鷟曰浦川界內養獺插雉尾於獺穴前獺即

不敢出獺膽十二葉應月其皮不著塵垢故貴之

犀○似牛面跽脚似象爾雅云兕似牛犀似豕蓋有大小

也水犀皮有珠甲山犀無之其特曰沙犀即兕也毛犀即

鼈牛昨夢錄曰西夏竹牛角長可偽犀曹昭曰無粟紋愚

按即今所謂交趾大角多黃者也東壁謂郭璞犀三角一

在鼻者為訛傳今按實有鼻角所謂胡帽用即鼻端骨也

甚小全黃而髮眼甚夾入藥不用止貴黑尖互詳器用

象○吳華視聽抄言鄭文振云象畏烟人以長竿接炬禦

之日惡蠅蚋有日色則不出南方以木鞋置錐覆艸而穿

之西海河渚有悉唐水如膏色黑惟牛角盛之不漏人塗

於樹象拂之則不去崑崙奴塗身則象象而歸梁翔法師云西域呼象為伽那浮木俯仰合交孕子五歲乃生鼻肉甚脆鼻端有似爪形者得之可以拾鍼刀勝磁石其牙以鹽煮之自更能制恠周禮貫榆是也雲南人家養象負重潮州象牙小而紅馬架莫大巴國象至大其牙有重二百斤者田世臣言象膽有三其二膽在足其一不在足徐鉉張萱之說可以合徵

虎○虎畏尖不越籬虎畏日與梟同畏火愛毛也不搏高林畏枝上雀糞爛其毛也離山必二吼啞魯有飛虎長尾

奮翅虎來其氣不可當蟲鳥皆伏也虎盜犬羸去急春空碓數十聲有以磚塞竈門者有以木覆篩掩碓口虎即齒齧得犬羸不能食今野人有怒偽奪虎氣者虎置啣物而去蓋虎饑則難犯飽則易制行人張蓋而虎不犯者蓋虎疑也又有設襠膠布制虎法中德曰屈木而藏戒之曰襠膠布虎踏則蹶而困暄曰虎聞人呵鳴聲則伏匿不動守虎持張及深山樵採行旅過者恒用此法其食物也依月食首尾中餘以柴掩之

猿狢○猿能以手相接連厓而下有長尾其臂通與猴異其云雖即狢音也狢即猶也雖今音誅仰鼻長尾兩則懸於樹而以尾塞鼻蓋一類而分者朕妹由筆曰南豐有小

猿如奉愚在良壽若見之櫺與齋言粵東見石猿如拳舊
言猴小猿大不可執也猿有鬚前二足長猴無鬚前二足
與後二足齊

橐駝○燉煌西渡流沙雖無水時時有伏流駝知水脈則
不行以足踏地必得泉其曰明駝者以卧地腹不帖地也
塞外有熱風甚毒駝知之則以口入沙拘夷 去燉煌三
萬里其國有駱駝溺金銀鐵器盛之皆漏惟 葉盛之不
漏最化物

風生獸○抱朴子曰風母似貂青色在南海之火林中鐵

鎚其首乃死其口向風即治十洲云以石莖蒲根塞鼻乃
死一名平猴柯古所云狷堀即風生獸也范成大曰風狸
如黃猿食蜘蛛拳曲如蜻遇風則飛行空中其溺及乳醫
大風疾効物類志作瘋如獾髓水中生火噴酒即滅物類
志作獾淮南子蜡知雨至物類志作蜡皆記

兔○物類志曰兔營穴必背丘相通若以馬羈有潤汗者
塞口須臾自出可伺勿取之虛舟子曰涑山焚月經怕則
兔至後山談叢曰中秋無月則兔不孕蚌不胎喬麥不實
世兔皆雌惟月兔雄故望月而孕後山謂月中道者兔乎
陰類相感乃其理耳木蘭詩有雄雌兔二語可瞭然矣兔

吐子籠月下則失圭物薄云兔環轉腦隱形其臆異乎宋
久天曰兔有畜者牝牡合十八日即育

跳兔○沈括所言塞外跳兔蹙鼠即蚤蚤距虛也金幼孜
北征記言跳兔身兔足鼠前短後長行則跳躍尾長

鼠○諺云鼠中有王凡鼠食亡人目暗則為王劉敬叔亦
云釋道安親至鼠王國鼠大如狗其曰鼠母長三尺馬蹏

牛尾如猴有乳此乃異物志之懶嬾獸也貞白載鼠王大
如牛蘇頌以鼯出滄州及胡如牛金樓子云晉寧大鼠謂

之偃牛晉書言宣城出隱鼠如牛驢梁書言倭有山鼠

如牛其殆爾雅之鼯山海經倚帝山之獸乎交趾出飛紅

鼠背腹深紅惟肉翼淺黑多伏紅焦捕者獲一必得一南

中皆佩以為媚藥智按嵇段諸公或言此為紅蝙蝠或曰

紅蝶皆在紅蕉上即一物也范成大曰粵兩香鼠小如指

石鼠重食山豆根中德曰鼠春夏生子三月則
三鼠四月則四五月則五

制鼠法○五行書曰亭部地上土塗屋角鼠不食蠶塗倉

鼠不食穀七夕籠九鼠重上深築之或以荷葉覆牛旁子

塞穴鼠去道書言寅辰日塞其祝厭乎墨子取黑犬血塗

蟹三月三夜半燒之君鼠必集廣義又云黑狗血和蟹燒

諸鼠悉去必有一訛虛舟子曰焚黃鼠鼯鼠必來儲泳言
狼糞黑大皮與藥燒可引鼠又曰燒蟹而鼠來中德曰取大雄鼠割
其勢放之苗屋自咬鼠死又養一松鼠彼亦不容羣鼠
中通曰批頭播皮絲瓜藤棟青葉等分乾末入信一錢燒
之鼠自去中履曰周安息蟹黃松鼠等分為末于夜靜
時焚燒之其鼠若來不得打殺以物盛放上中不復還矣
麒麟異獸王○阮霧靈曰辟邪天祿蓋天鹿也南陽宗資
墓前石天祿有鱗殆卽麒麟乎馬觀曰阿丹國產麒麟可
足高九尺餘後足六尺餘項長頭昂虛舟子曰牛感龍而
生麟外紀印弟亞有獸如牛而大如象少低全身皮甲如
鯊皮銳箭不入其骨肉皮角牙蹠糞俱藥也名爲罷逢蓋

麟之類乎罷逢喜殺象與馬居水中可數十日印弟亞卽
五印度也又有獨角獸能人語解蛇毒蓋角端也或以爲
白澤贊寧亦曰銀州出獨步獸如獅身黃一角有意氣麒
麟角端仁獸也又有教獸亦仁獸也形如狐赤白色尾大
有君臣父子之別見獸必教之曉號峰上

鹿麋○山鹿陽澤麋陰惟牡有角鹿黃而班麋色青黑肉
腠下有二竅爲夜目其角了少淮南曰孕女兄麋而子四
目也鹿喜食龜與凡種艸又喜食紙居則環角外向卧則
口朝尾閤以通督脈其曰鹿戴玉而角班謂其六十年懷

觸於角下也故淡寮稱班龍馬存中言骨易長無如鹿角則茸不如角力矣其云陽角補陰陰角補陽而東坡又言鹿補陽麋補陰當何從乎中通曰新殺鹿血新拔布兜之浮水故亦食草水艸不必笑陸佃也不深中履曰鹿鹿濯濯好浴

茶首○宛委餘編曰茶首音蔡茂神鹿兩頭出永昌郡其失可敷瘡毒按博物志作茶且機一作蔡余義本艸作蔡首機聲形互訛耳洱記曰兩頭者似也土人呼為義希取其糞也襍俎引為邪希

豪猪○向謂脊有箭今見田夫守竿而得之彼觸之即放

箭再觸之三觸之而彼氣竭矣遂圍擊之芋味麻人惟彼食之他獸不食也虎亦畏其刺

香經○香狸外腎腎類也即蒙化府之香髦其陰則一而囊者四子利未亞有狸似麝臍後有肉囊香滿其中即病向石上剔出之始安香如蘇合油而黑其貴次於龍涎

龍虱○漳州人傳中秋前三日海口飛隨龍虱餘日絕無食之除面黥治血少隨老父福寧見之後在姚有僕署中云自濠鏡來則它處亦出此何漳獨異也蓋是甲虫大如指頂甲下有翅熏乾油潤去甲翅啖似火魚之變味漳之

異此亦猶廣之食河蟲殆它處不取耳

浮山此藏軒物理小識卷之十終

浮山此藏軒物理小識卷之十一

鳥獸類下

皖桐方氏子

中德中履編錄
中通中發

龜○龜藏六而運任脈其息以耳雌雄尾接或與蛇交春
夏出蟄脫甲秋冬藏穴導引故葉取敗版以養陰云其上
甲中直三圍十二外圍二十四中之文曰千里其首橫文
第一級接於千里者龜王也元龜貴大而張世南云神龜
老如錢遊於蓮葉以油管喫而取之夫神龜猶畏香油邪
香油扶眼入水不沈其弱善入取之者以沙鉢盛之復以

一鉢蓋其上而縛定之微開一孔進烟外用水缸覆之內
以樟木燒烟其溺卽出斲州龜小而長綠毛或剔甲擣韭
以封之一再封剔緣毛自生中通曰以尋常鼈用生薑汁塗背上待乾又用污泥塗之
如此數次卽生毛 暄曰或云別有綠龜細紋如
毛腹骨中斷前後捏之則合別一種臭者可烹食
蟹○山谷曰寒蒲束縛十六輩謂對蟹也宥行郭索故曰
螳蟹入海輪芒未嘗驗之執稻隊行則果然矣取者以燈
炤捕之兩頭銳曰白蟹本艸曰螭卽蝮蚌八月能與虎鬪
小曰螭蛸卽爾雅之蝮蛸非祭謨所食之螭螟也至小曰
沙狗不可食然今皆酢而食之食鱠中毒食蟹卽解化漆

爲水亦可醒膠郭憲言善苑國有百足解殼可熬膠外紀

言大蟹長丈餘螯斷人頭其殼如屋張宅人曰漳泉海蟹

蟬圓如盆而正赤者夜有光性煖小
蟹如錢八九月來山東海皆有之

○南海記曰鰐生子百數爲鰐者十二餘或爲鼉爲鱉

虛舟子曰鰐頭似虎能上岸行殺鰐而縣其首其齒自生

鰐畏黃蠟取珠者以蠟裹體述異記曰魚虎化鮫薦叔曰

鯊魚化鰐蛟不成龍亦化爲鰐東坡言潛蛟制渴虎外紀

瓦刺而多亦鰐類也瓦刺而多有足登陸食人畜吐涎以

冬月不食物見人遠則哭近則噬通身解甲惟
腹有奐處仁魚以此制之此鰐亦畏乙苟滿鼠

白小○有數種南通州以白小疊成如片長寸者皆為銀魚北方寶坻大數寸近海者為龍頭魚一名水晶魚入湯惟刺一脊皆長者名鍼魚龍泉蘇魚長二三寸乃鯨魚也廣之思州出鵝毛脰蓋鱈歸魚也桐城麥魚亦鵝毛脰也章花魚○章花魚有大者其諸足長尺餘能上岸縛豕而下水

鬪魚○大如指長二三寸花身紅尾善鬪人家畜之呼下斑魚張世南云三山溪產小魚里中養之角勝為戲四足魚○鮒魚有足緣木音如兒啼周益公記宜興洞有

四足鮎張舜民記黃州四足鮎全義之四南盤龍山乳洞有金沙龍盤魚皆四足條尾丹服狀若守宮秦知鄉有四足如蝸有時上岸見人則入水不傷人鱉無裙而尾長亦謂之鮒游子六曰閩高山源有黑魚如指大其鱗即皮四足可謂鮒治小兒疳

魚獸○陸璣蟲魚疏曰象彌魚服此海中魚獸似猪皮斑腹青可為弓韃步又海將潮天將雨其毛皆起潮還天晴毛腹如故周益公言周麟之使北塞糟牛魚歸牛魚皮應風潮中履曰陸幾字元胎非士衡監本爾雅及時珍皆誤作機白鯊○鮑石有也出寧波健跳者上爵漢者次白下鮮者

冰雷以來謂之黃魚

鮫○閩人取石鮫鋪厝頭石鎮之鮫即伏而易取

鮎○鮎食魚而喜竹池宜沈大竹數尺通筋掩而取鮎大

者曰吳

畜魚○沙池宜鰻魚上池宜鯖鯉鱸鯉之類有飛魚者善
出水宜畜之辟懶而魚不冷不霧則鯉魴皆飛有鼈則魚
不去故鰲曰神守池欲淺而向陽環洲使遊中一區深積
慘過冬最忌桐油茶餅橄欖元花雞糞若池穢致浮喁者
礮芭蕉葉於池自止藥毒者宜新木新水發又有魚貫之

患宜開竇而編竹洩之白青魚食艸而食青魚之穢者細
頭鯉食絲鱖大頭鱮也必宜蒞畜三月至八月必採稚艸
飼之其黑青魚則食螺螄亦併畜之凡初秋宜小池飼以
細米粉或風颺水面今其食盡日可二次俟五六寸可入
大池一年一尺次年二尺陶朱曰二月上旬庚養鯉易長
又取道中棄胞盆覆之埋池四角魚永不失鱖魚烏魚大
鮎皆食魚不可畜烏魚埋土數月得水復活墨子曰端午
取鯉魚子塗席上陰乾六旬取置水中糞箕覆之南海諸
郡八九月采魚子著艸縣子竈烟上至二月雷發時以艸

浸池塘旬日出如科斗謂之鮓蟻後山曰魚隨陽春夏浮而溯流秋冬沒而順流智按冬寒則蟠泥成窩衆魚聚伏不動當冬不食

養金魚法○物理所曰金魚三尾五尾者跌子時大蝦蓋之無蝦則尾如常魚嶽珂程史曰金鯽為上鯉次之有三尾九尾白中朱者取闌渠小紅蟲飼凡百日皆變初白如銀次漸黃久則金矣單尾大者鯉也海淀養數十頭皆長三尺養金魚缸擦生芋注水苔生而水易浮魚瘦生白點者名虱投楓樹皮則愈中通曰或用新磚入糞桶中浸一日取出今乾投水中中履曰魚

本有五色吉州有一身其五色者名手中魚 暄曰建陽銅山古井有五色魚長四寸如龍尾豎四爪早以祈雨置河中自歸井

河朧○河朧愛五色縷人因以取之諺云鯪鯪三月大四月小善怒其肝血毒然以攪橄蘆荀煮者亦可食東齊錄曰梅聖俞於范希文席上賦河朧有楊花荻芽之句蓋河朧食柳絮而肥南人與荻芽為鱠而食之

龍蝦○龍蝦尾吐紅子色奪榴花有長二尺者人家淘空其殼如船燈桂佛前海南有蝦子鮓

海粉母○吐海彩者曰海粉母色綠如荷包飲從此入搜

從此出今之海粉卽所澀也

子六日如墨魚形大三四寸冬養之家春種之海邊田內

或曰柳竹枝田中其母上竹枝吐出

寄生○劍蚌腹有小蟹任昉述異記謂之筋又有寄生蛤

螺又有蝟生南海如蝦寄生龜殼食之益人顏色卽瑣蛞

海鏡之類也人以火迫之出則蟹大如豆黃而頭足俱備

大沙魚本胎生也其小魚常出入其腹中又有魚寄生枯

螺中載之以行形似蝦有四足兩螯

淡水龍○其形似蛇洋船用之置鹽水中則水自淡至者

鹽龍則蕭注破南蠻所得養之盤中其鱗生鹽食之益陽

者也

御龍○桃花浪黑雲起知為龍則焚蠶殼等諸臭物卻之

或酒青礬尖浪起洒大血劉薦叔曰海舵師知龍起但雷

金鼓知颶在二月後四月前故四月後開洋洪芻恠洋記

亦言鉦鼓弓矢叫譟卻龍事魚龍畏鐵鐵辛害目故橋堤

鑄鐵牛鐵蜈武功章秋治水以鐵柱貫金塞水源遂成平

陸南昌沙地故以鐵樹鐵鎖填之

龍骨○華陽國志中江縣東二里三峒山六屈三起出龍

骨民掘取之馬總唐年補錄曰咸通末孔威刺舒州進龍

骨一具云桐城縣善政鄉有胡舉者言昔龍鬪死於庭中
時四月尚有籬箔枉庭忽雲雷暴起雲中聞擊聲血如雨
酒籬箔上血不汗箔漸旋結聚可拾置掌上須臾令人冷
痛入骨龍既死剖之喉有大瘡凡長十餘丈身尾相半尾
木褊薄鱗鬣皆魚惟有鬚長二丈其足有赤膜翳之字文
懋昭金忠言冷水死二龍熙州野灤見龍三日瓜托一嬰
兒阿保機見黑龍射之景煥曰孟蜀時什邽井中火龍出
是龍亦常見之物無恠古有秦龍氏其吉弔脂紫稍花則
龍之精也言從海漂木上取之龍拔大木沈蟠故也南野

間居錄言下謂有龍精石贊寧曰龍熬得烟烘不散劉昌
曰成化中得龍卵其堅如石按外紀字露鳥名厄馬卵可
作杯今番舶所市龍卵卽此物也

蛟筍○雉與班蛇交入土爲蛟蜃閩人謂之蛟筍墜地氣
而知之掘而食之猶雷州人掘雷子而食之也雷子卽蛟
筍類頭似烏味得火土之氣而生

海族把勒亞○此魚長數十丈首有二大孔噴水上出遇
船則昂首注水船中亟以盛酒鉅木甕投之連吞數甕則
俛首而逝淺處得之熬油可數千斤又有劍魚齒長丈許

有齧刻如鋸能與把勒亞魚戰而勝又有二手二足之海
魔船最畏之其大如島者所謂鰲身映天黑也

斯得白○長二十五丈性最良善能保護人或漁人為惡
魚所困此魚輒為漁人解圍又有仁魚嘗負小兒登岸
薄里波○色能隨物而變附土如土色附石如石色

落斯馬○長四丈許足短居海底罕出水面皮甚堅用刀
刺之不可入額有二角如鈎寐時則角掛石盡一日不醒
飛魚白角魚○飛魚尺許能掠水面而飛白角兒魚善窺
飛魚之影伺其所向先至其所開口待啖恒相追數十里

舟人以雞羽或白練飄揚水面上著利鈎而白角兒吞之
便為人獲余賡之師曰雞魚有肉翅能飛

海馬○其牙堅白而瑩淨文理細如絲髮可為念珠等物
又有海女亦魚也骨心可為念珠陶貞白曰海馬蝦類催
產壯陽此又一種

蟻螯○蟻螯以背行快於足好向東

蜘蛛○蜘蛛置甕食以膏百日燃以塗布則雨不濡花者
最毒八足止如四足其絲最毒能爛物相傳南大學諸堂
無蜘蛛

蛤蚧○蛤蚧為人得即自啣其尾以月首上寅可撿以是日交也年老者鳴十餘聲丹養守宮即此中德曰塗臍無子則今可知蠍蝮○按神之蠍蝮即青蚨也又名蜚蠊異物志去如蟬而長子如蠶得其子則毋飛來就之贊寧曰狀如蝟色青蹠然善登木南人月夜捕之以牝牡血塗錢用牝留牡則錢自歸若牡就索則不能歸矣李恂則言雌雄不捨能秘精劉恂言麗降在攬木上如蟬可為媚藥姚有僕在南海訊濠鏡云不能如淮南註但塗物相就耳

馬蝗○馬蝗燒之成灰碗覆於地過露一夜則灰中螻蛄

矣傷寒用水蛭逐水誤吞則渴可以孟水引之或服土而下之有鐵錢蝗其背方者尤狼對口癰取以向癰彼即吸取癰血飽則自墮而癰亦愈凡刺人血不可拔惟重力拍之則彼自退墜耳

蛇○北方介與蛇俱蟠必向壬有艸木水土四種有紅者金翠者劉郁云訖立兒地蛇皆四跗口吐紫艷青蛙蛇最毒怒時毒在頭尾桑柴燒蛇則見其足四足蛇則木僕易印午歲蝮也淮南曰神蛇自斷其身而自相續隋煬遣人嶺南求得此蛇長三尺色錦似金熟視微黑解食肉而不

毒人觸之怒則自斷若刀截怒定相就如故蛇死目閉斬蛇目開生舒州界一開一閉今九與國尾如指甲

蚺蛇○嶺峽曰環黎產山馬與蚺蛇山馬似鹿而蚺蛇吞之馬角甚大而蛇毒一呵角自解脫人遇之者執指大蛇皮以水一揮卽生段公路曰蚺蛇牙長六七寸辟不祥一枚直牛數頭蚺長十餘丈何古曰以媚衣投之則蟠而不起劉恂曰普安州有養蚺蛇戶嘗以木枋翻視之取膽而釋蛇令去

制蛇○雄精辟蛇唾蛇口則伏陔蛇身亦爛蛇長鵝雀聲

惡燒羊角薑黃氣多栽海芋白芷急性子蛇亦不近其蛻催生以塞耳治瘡物性志曰蛇甚飽則蛻冬含土墊春吐為蛇黃惟烏蛇不齧物

蠪蜂○蠪蜂生南海陽春附橄欖樹雖有首足與木葉無異鳴則自呼取者候樹葉凋而得之志曰土人藏於笥篋中以聲之清濁卜禍福或云遇蠪毒必鳴今陽春縣屬肇慶府

蚌蛤○聞雷則厥見月則吐西施舌蛤蜊江瑤柱以胡粉塗唇安月下則肥泥浞種蠃者當墜時取之糲吐土蛭之

油亦忌晦日開理服丹石者忌食蛤蜊林見素曰蟪小者
名空多似蟪殼薄實非一種

蚶田○江盈科曰四明蚶田土人磨蚶末調糞桶釀成水
酒田中一點為一蚶期至收之如收穀嶺南有乳田用朱
粉酒田中久之粉皆成形如蟪蝨蛹及期收之擣以為粉然
則西域種竿皆此類乎張宅人言漳泉蟪蚶類皆不能行
伸出飲水而已自生自長即謂之
種

蟪法○開簇時近上向陽者佳雄繭尖細緊小雌者圓慢
厚大日數足蛾自出而配之用厚紙收其子為連午日以

草父操水浴連鄭玄曰蟪為龍精月及大火則浴其種是
也臘八日以雪水浴之除夕以馬齒莧桃符木查水煎元
日曉浴之則盛生蟪時宜火煖其室以蓐紙細切稚桑葉
布之且夕飼多頓者先老計二十五日老一薄得絲二十
五兩日多絲減若月餘則十餘兩耳二眠時宜溫寒必如
火此後暗明宜通風日大眠後天氣熱室宜清涼亦勿使
濕氣上蒸凡飼葉宜薄散經雨露濕葉須風戾之以飼十
分眠乃住食十分起齊乃投食向黃時見黃光即住分擡
之時去其燠沙若值熏即多黑死食冷露葉必成白殭食

舊乾葉則腹結頭大尾瘠倉卒開門暗風中者必多紅殭
蠅叮蟄蟲則生肚蟲凡初飼一晝夜可四寸九頓或三十六
頓次日三十頓頭眠飼法一晝夜可六頓次日漸如葉停
眠時一晝夜可四頓大眠齊起一晝夜可三頓次日如葉
至七八頓午後天晴取預磨菜豆粉與切下葉和勻既可
省葉又解蟄蟲毒仍得絲多易縲堅韌有色其柘葉蟄蠶光繭
以冷水縲之絲作琴瑟清鄉音埤雅曰蟄蟲與馬同氣故周禮
禁原蟄蠶光上薄不可驚驚則不成繭偶入男子履成繭入
女則否矣蟄蟲生子曰駒與母同老無先後蟄蠶種畏蒸炷杉

木灰層層收之佳蟄蠶聞鼓聲則伏而不起亦畏雷也蟄蠶三
化先孕後交不交者亦子後生而無眉目易傷收亦薄上
繭時以物置其旁即象其物交州記桑蟄蠶一年入熟三都
賦所謂入蟄蠶之綿吳下養蟄蠶畏見生人親戚皆不來往謂
之歇蟄蠶而廷平養家不忌也暄曰本處養者一切
無禁而蟄蠶亦盛熟
樟蟲○樟蟲入醋死引腹中筋長丈餘閩人用緣蒲葵楓
蟄蟲之絲亦韌可作大釣縴凡樹蟲如蟄蠶者皆有絲成繭成
蛾熏紙甲皆厚

驢龍○驢龍者驢腹中蛇也方體方目有足可以小使與

鼻獸黑虬蟲瓦雀卵子草墮蛤蚧吉吊脂同用

果羸蟬蛉三辨而核○果羸蜂嚙蟬蛉子自陶貝自謂啣

以啖其子而蘇恭寇宗奭李東璧俱信之今按不然一菴

云先螫殺之而後呼活之隣老云先以泥作窠嚙蟲置中

以泥封之乃從其外以翼扇之而鳴鳴然久之破窠而出

即變同類一蠨螋嘗造四五窠人驚之彼即不來此窠窠

亦槁落

養蜂○蜂畏蒲蟲觸其粉即死故以鼈甲鑿數戶出入之

箱宜數層向南壁間煖也喜順惡逆以左置右則盛諸箱

立架皆順而稍下不得過敵祖房凡蜂分以上蓋塗蜜成

酒糟收之視其蜜脾以夜熏紙烟則上乃切而取之臨冬

泥墻衣以綿著視其食少不及至春采花則以子雞退毛

去內藏懸於室中飼之其所切者以布絹涕潔煎去其沫

為上蜜其滓則易水煎浮水上者取而壓乾復入釜煎水

竭入滑器脫下即黃蠟也其所滌水濾潔置日中晒亦成

醢王元之曰王臺子多則分房不盛山朮以棘刺繭於

臺留其一子中通曰燒紅筋拂人蜜中筋出烟者襍錫也

蜜者以薄荷細齒粘者襍粟粥也白蜜成塊為上中履曰割塗手而自不螫人

鼈鼈畏隙光○日中暴鼈無恙遮陽而以隙光射之彼怯而死鼈亦畏日之隙光杜光庭錄異記曰鼈鼈雖極大蚊叮之一夜即死而熏蚊者復用鼈甲曹明仲言螭蟻與鼈皆畏蚊叮鼈得大可以燃鐵而磨明之類從曰鼈一鳴而鼈伏管子呼螭以取魚鼈虛舟曰鼈死釜中首對窻腹中時有人如回回鼈裙滋潤鼈甲能散其膽最辣通竅最捷此人所未知者

蟹○蟹雄負雌謂之蟹帆若得其雌其雄不去其血色碧亦畏蚊叮與日隙射之其脂燒之可以集鼠其殼可筐熬

膏可入香藥最膠羅願曰蟹牡小無目得牝始行曰蟹媚制蚊蟲諸虫蝨○艸烏翔薤川芎薑葉蕎麥稻椿葉大黃葉鋪牀木瓜切片焚膠棗塗白果除壁虱或用羗活槐花天仙藤末或加相花木鼈苦棟菖蒲海金沙燒之潛艸曰雄黃麝香巴豆夜明砂駝糞烟殺壁虱驗馮應京言燒白馬蹄牛角鰻骨驗燒鼈甲麻葉荆葉砒雄黃松香去蚊按燒萍去蚊而爛衣然細衣爛布衣不爛鰻骨最殺虫燒太臭耳置箱辟蠹多置雄精為妙衣樹午日收蒿苕葉藏之松毛殺米象冬春過七則自不生椒礬砒黏壁則虫自遠矣

夷婆羅薑葉鳳仙昌蒲蠟麻皆不生蟲愚見董對之向范
法官學除蚊法午日顛倒硃書白字按靈欽已載矣且書
儀方居隅理扇致意則爾又曰午日硃雄書茶字蛇蝎不
近帖忌人見貴硃雄也中德日向日出禱云還我青州木
瓜錢書牀足勿令人知厚主制云
水閉日以雄黃硃砂書不州客人來請爾又載蟾蜍口墨
收蚊事來六日膠棗包金絲烟焚之壁蟲去或引蟻來食
臭蟲謝在杭曰壁蟲生杉木中謂之木
蟲煎麥稷淋水去之延綏壁蟲生上中
虱○俞琰席上腐談曰虱足六坎也行北首草水子曰虱
行必向北以黑者置身白者處頭仍變嚼茶或白果以彌
禾為繩束腰則身虱盡亡或用銀硃或以百部獨空樹汁

漿衣神隱曰藜盧末摻髮中虱自落

蚊○雨水多則蚊多天晴南薰久則蚊亦少夏月線梁蝙

蝠血橫縫帳額蚊不入金幼孜北征記常樂鎮蚊大如蜻

蜓中履曰鄴道元言江陵古岸李浦元蚊金樓子言荊州
蜓高齊元蚊今播州三層樓元蚊五老峯元蚊以風涼也

蠅○蠅生於灰故蠅溺死置灰中即活贊寧云豪本盪杯

青蠅不來臘月以猪肝四兩懸廁上則明年元蠅虛舟子

曰樓葱逼蠅陳茶燒烟蠅亦速去余賡之座師曰漳州海

有海鱸魚其糞乾之器盛可以辟蠅壁間縣稻州索可引

蠅去後猓尾蠅不敢集可為壘尾中通曰臘月雪水故貯
待清明日洒几案上蠅

自去或以絲礬水漬濕中蓋泉器則不近朱虬菴曰廣西蚶州辟蚊蠅

制蜈蚣法○人見蜈蚣指以劍訣或搔髮或作雞聲則蜈蚣不行行亦不快鹽乾菜水滴蜈蚣即死以鹽菜炒雞蜈蚣亦不食

制蟻法○蟻有數種能螫人厨案四足以水桶浸之剛土畫路彼亦不過炭石灰尤驗蜜煎鋪中蘸肥皂汗拭蜜器蟻不復來廣東蟻入箱須置川山甲東山紀曰蟻有重四十斤者

除白蟻法○青梔子實晒黃能消白蟻為水濕活樹去皮

頂鑿竅注桐油豎置一二日水盡去以為梁柱蟻不生或

用青礬煮柱木惟中柱不可煮者即井水黑

馬教思曰血忌日五更斫

松柱無白蟻或分敵云今日血忌蟻自去
雞柱下白蟻畏其聲中通曰白蟻必啣水上柱乃能食
木松易受水引泥作路杉木須以烟熏之
蟻不上也一種蜂鑽杉木須以烟熏之

辨鳥獸雌雄○飛之屬陽故雄鷲於雌走之屬陰故牝猛

於牡龍角浪凹峭目滾鼻豁鬚鱗密上壯下殺朱火燁燁者雄角靡浪平鼻直鬚少目圓鱗薄尾壯於腹者雌見乘異記蝟毛順者雄逆者雌啄木羽斑者雄褐者雌樗雞五色具者雄青黑質白斑者雌蜥蜴亦五色具者雄不備者

雌蜻蛉綠色者雄腰間一遭碧色者雌鼠糞頭尖者雄圓
頭者雌雀糞尖者雄圓者雌右翼掩左者雄左翼掩右者
雌見餘冬敘錄集論諸書俞琰曰燒鳥毛納水沈者雄浮
者雌屠本峻曰蝦蟆置地上東行者雄鵲鳩雄鳴時雌鳴
陰大腰元雄龜鼈類也細腰無雌果羸蜂類也殊不盡然
舊曰鼈無雌而以想生其實尾短者雌雌者腹藏卵能生
產而無腎雄者腹藏腎而不卵凡八竅卵生者龜鼈類咸
卵生影伏合谿曰野人有目見龜自尾接者許慎云龜與
蛇交其一端耳韋絢曰鶴鷓鴣皆胎生此舊語也按之不

然或間有之螭左顧者雄顧者雌其實螭蚺仙人掌銅釘
之屬皆以濕熱化生無雌雄之交也

互相制○蝟見虎能跳入虎耳而制子干鵲淮南子曰鵲
矢中蝟即反而受啄火勝金也蘇恭曰虎耳不受雞卵蝟
何能跳遂不信制虎之說其實制虎者性跳入耳者形容
之詞也或言蝟入虎口刺破其腸而出中通曰虎畏蝟之
刺而不食耳豪猪
有刺虎亦
無如之何文曜鉤曰土勝水故守宮食薑螂蛆搏蛇金伐
木故鷹擊雉桓譚新論曰桂害獺杏核殺猪粉鯁畏椒蜈
蚣畏油王起云玄龜食蟒飛鼠斷猿狼虱嚙鶴青要食虎

皆以小制大在氣不在形也石輪似癩蝦蟆大者徑七八寸其色近黑能食蛇其背骨能殺人蛇浮水則首仰水上石輪仰腹誘蛇蛇來吞之則前兩足抱蛇入水浸死而食之刺蝟制金齧蟻托胎制蜈蚣爵林守言有訖金齧蟻者土傑獻謀取兩刺蝟捕獲之蜈蚣蝎畏鈴窮蜈蚣也以涎繞蠍規之則不敢動蛇亦畏之農家曰夏初螺出敵產子田間兩漂殼去不能自還則化為蚰蜒後又化為蝸牛好升高而焦死東坡所歎粘壁枯也蝶蚋因陰濕而生見陽而死濕生物多惡香散故麝化螺葱化蚓螂蛆伏蛇每自口

枝刺下畏狸鼠也八鳩巢竹林亦以狸不能上竹鵲腦骨媚以其性煖也鵲有隱巢木今不驗桓玄以愚顧愷之耳造化權與曰乾陽為馬坤陰為牛馬病則卧陰勝也牛病則立陽勝也馬起先前走卧先後足从陽也牛起先後足卧先前足从陰也牛羊居丑未之位牛色蒼多近春生氣故聞死則敵赫羊色白多近秋殺氣故聞死不懼凡艸木經牛噉之必重茂經羊噉之必悴稿諺曰牛食始澆羊食如燒信夫牛羊下來注埤雅謂羊性畏露晚出而早歸常先於牛豺祭獸圓獺祭魚方魚祭地獸祭天獺畏雉尾狐

良犀角以驢糞餌狗當驢馬鳴狗逐之叫則不止凡馬牛
年豕遇初六十六二十六日生者多天虎豹畏角烟氣入
山者燒角則虎豹自遠李石云滇中多豹少虎以豹食虎
也鱉血碧鮒血黑鼈膽辣鱧膽甘鱔首縣之齒生鼈肉縣
之伸縮靈蛇自斷自續蜥蜴斷尾猶動蚊觸駝烟死螺螄
畏雪落蟹怕重霧鮪時出水僵海魚見淡水即死手摩鸚
鴨背則瘖月翦鴿鴿舌而語淮北少蜈蚣關北無蟬蟬以
腹鳴蟾蜍以脰鳴蟻以鬚視毛蟲如蠶將繭則涎成一團
落毛其上使蟲不能入然後立定而代芒種螳螂齊出重

九蚊蛛生花蜘蛛申日能越陸遊曰馬鞭擊猫筇竹杖擊
狗皆折舛變者坐虎皮則毛壞貂帽見猫踏則毛結貉皮
見燕則毛落斑鳩食桑椹猫食薄荷虎食狗雞食蜈蚣蛇
食菜菔鹿得茶飲駱駝食柳虎俵食烏梅狸精食羊肝狐
鼠之妖食人爪髮皆醉雞可求種於竈猫可求種於牛麩
羽禽之伏隨日光而轉卵介蟲之伏隨日光而影加蛤蜊
螺鼈與月盛衰坎為月為水離為之偶故離為龍物蝙蝠
食蚊其晴不化溲出為夜明砂醫目障取蚊向日視之其
晴正綠鷹眼碧蜻蜓眼如碧珠惟鴿眼有五色山牛有四

眼海魚有四眼者猶之六眼龜乃二眼真餘則似眼耳牛
有耳而聽以鼻龜有鼻而息以耳龍聽以角謂之聾蟲廣
多巨蛇北地多貂鼠猫犬特齊知朔望蜂分必黃道吉日
鹿清明後不食苗狼黍猫時不殺物蛾四月朔上弩八月
朔下弩

象鼠魚膽常逆○象膽隨四時在足春在前左膊夏在前
右膊秋在後左膊冬在後右膊徐鉉以言象膽見稱於宋
祖而張萱所見象房膽在腹則亦有時在腹古未推明也
熊膽春在首夏在腹秋在足冬右足蚺蛇膽隨月轉上旬

近頭中旬近心下旬近尾魚膽春夏近下秋冬近上鼠膽
在肝活取則有見餘冬序錄按鼠膽最難取將死則膽已
失矣虛舟子曰鼠膽隨人神在

凡異物交者生異物○莊注言類自為牝牡猶藏經之半
變也升菴言葛特與雌猿交飛蛾蛹蟲所化與麀為牝牡
贊寧言柘翹無不交或入木而枯然聞雷之後乃出外紀
言利亞國百獸相合輒產奇怪

物之白者時有其種○後漢方儲孝感白兔金哀宗時邠
州進白兔葉隆禮遼志長白山在冷山東南山內禽獸皆

白顧遜園見白兔白猿白鼠徐文長爲胡梅霖作進白鹿表以白爲瑞按墨客揮犀言雀出殼時以蜜和飣飼之卽白梁漸子曰賈胡言有藥合楮紙養數十年變白鹿者愚者曰崇禎初白兔自外舶來直百金後漸多愚見姚有僕養赤眼白兔月月生子先延尉墓山名白鹿起土入言往年見之若以靈丹餌物則又一理也

變化禠載○羅願云九月寒鳥入水化爲烏賊魚有兩頭遇風波卽以鬚下矧曰纜魚禹錫曰鷓鳥所化倦遊錄曰海中泡魚大如斗有刺如蝟能化爲豪豬卽魚虎也述異

記曰光則化爲鮫魚又云白沙魚大者亦化爲鹿薦叔曰海中有虎皮白皮料影三種沙魚皆能化虎蕭齋日記言異人遇魴虎但擊其足則斃之異物志鼉蝨魚因風入空木化爲蝙蝠劉績霏雷錄云鼯鼠化鱗鱗化鼯鼠雀入淮爲蛤雉入海爲蜃卽大蛤也續博物志曰蝗蝻之子亦變而魚魚子亦變而蝻蝗也抱朴子曰萼根化蟬淮南曰水蠶爲螵今水馬亦化蜻蛉有老人見麻雀化爲蜻蛉者陸粲庚己編言桐城劉浩見蜂化促識石首魚至秋化爲冠鳧卽野鴨有冠者也鯨魚云是鱧鳥所化故腹內尚有鳥

腎二枚其鳥白色如鷺至夏鳥藏魚出萬畢曰千歲羊肝
為石宰即澤蟾蟾得瓜卒時為鵲大裂而鐵釜生蟲冰寒而
積雪生蛆西番種羊猶越海種蚶也王延相雅述云兔以
潦為鬻鬻以旱為兔焚惑不明則雉生兔段公路言竹化
蛇蛇化雉塞北有蚊母州南越古度樹不花而實久則化
蛾化蚊俞吾體曾目擊蝦化蚊王充論衡曰螻蛄化腹蝥
腹蝥折背出而為蟬蝸蟻即蝎蠹食木心身長足短口黑
無毛春雨後化為天牛兩角而黑背有白點綠木飛騰陶
蘇乃混注之雞肋編山陰李仲舒漢巨戒殺得虱放青州

葉上經宿沾露則折背化青蟲飛去採蘭禱志云蚊投水
中能化小魚熊極峰云雌螳螂食其雄螳螂而上桑樹上
結作蝶蛸崔豹曰遼海間有飛蟲如蜻蛉名緇紺七月羣
飛閣天夷人食之云鰕所化也貞白曰鱧鮓是公蠃蛇所
化盧不遠曰螻蛄吟黍冬化香附子宋陳師道曰盧州有
坐化猫峽中有坐化胡孫韋臯言鸚鵡舍利李公擇家有
坐化蛇以化入定以定入化有之矣外紀度爾格國鳥名
弗尼思壽四五百歲將終聚香木發火自焚灰變蟲蟲又
變鳥莊綽雞肋編曰鄭注楮中藥化為蠅衛瑾家飯化為

螺裴楷家炊黍變成拳或作蔓菁子則其恠也必山愚者
 曰雨間惟濕熱應勿恠空桑信哉百合蚯蚓樹葉化蝶五
 倍蚘蝻種飯為蛆豈特鷹鳩雀蛤蛇雉蟻蟬蟻几蠨祝子
 人身之蠱木因汗始後乃孕滋置艸置木或化為蟲然則
 斑駁蟲之上天勞瘵蛾之傳人皆一類而推也識陰傳命
 印去文存結習附託夫復何疑逢者自化其想消歸直下
 已耳莊子極物而止又曰莫若釋之而弗推易備物統類
 者也又曰受之以未濟終焉中通曰凡物有情化有情無
 情化無情者蓋因氣極則變
 寢而木性尚存故雖化而仍同類也無情化有情者陽氣
 所包內裏不散外復日感陽氣而成也有情化無情者靈

氣已盡生氣未絕復感陰陽之交氣而成也 暄曰或云
 相尅則變不知相尅而復相生者寢也或云氣盡相變凡
 天地間不過水火二氣何物不秉水火而有盡時或云以
 新氣間舊氣而性本無變然則地移性異之謂何獨恠移
 花梅木者木變而未不變果羸負子呼使從
 已于此可悟全種在枝至一精誠之理也

浮山此巖軒物理小識卷之十一終

浮山此藏軒物理小識卷之十二

神鬼方術類

皖桐方氏子 中德中履編錄

心神自靈說○神本靈也而憑物觸幾實以心顯或獨以通之或衆以聚之造一像焉專祀之衆禱之其效歸此則自靈矣彼痊像放光而後與修香灰撮葉而多服驗者誰灼其故耶神不可知在可知中固非人之所知也可知之靈以不可知而靈尤人之所不知者也有以信致專者即有以疑致畏者即有以不信致勇者此其機一何神乎積

想不已能生勝氣人心無形其力最大是也故曰有體物
之鬼神卽有成能之鬼神卽有作恠之鬼神權在自己正
己畢矣彼如我何聖人知之故能轉物

致夢法○洞冥有懷夢艸靈竅有致夢符王少夫言夢是
智影法以緣因如旣絡之馬卧則逸去然經絡過卽脫亦
馴其神不昧反來告形離形之物便通前後因而我爲汝
夢汝爲我夢不問二形或越千里不必相與應在數載受
命如嚮惟心所造又何疑哉秘術致夢取其所甚者
者如自書畫類硃標姓名以狐剗高陸香薰之向月滿時

呼離趾持奄噬嗑但叫七七日以所欲致夢者畫圖置其
位下久則如願矣或納牖而致其入席卧之尤捷郭璞赤
豆刺心卽此故乎東坡叱黃衣人故是正眼

物靈可導○蘇鶚言方士以丹砂養蠅虎使分五隊舞涼
州楊千度以靈砂餌胡蝶今世教鼠教蛙教黃雀畫眉者
比比矣

磁吸引術○賣丸者燒香入金蝦蟆口人驚視之故買其
藥蓋與木馬自走紙人自舞同法一處用鐵漿一處用磁
吸也今治氣聾者銜鐵而裏磁置耳氣上衝者服磁而以

鐵鍼塗臍皆此理也磁石拒棊者取雞骨作鍼磨鐵擣之
以和磁石日塗其頭曝乾之置局上卽相擊不休漢書所
謂鬪棋卽此術乎

解巫詛法○漢巫蠱言桐木人蓋以剛祠刻其人而以葉
血詛呪魘之也詛必夜中乘人遊房神迷失守然後能制
人之魂者旦夕端坐持唵藍金剛呪八十一遍作劍訣山
門入戶則彼不能吸尋常牀眉畫八卦書唵怛哆般怛囉
縣軒轅鏡則術刀不能入由此觀之何如誠正一方夏易
簡乎

制雌魘法○沈周曰教坊供白着神朔望王以手帕鍼刺神
面而收之與子弟狎則伴怒以帕擲其面令拾之則足以
魘其魄若解其人則撮物入水投火使焦急而去知者常
佩雄精持娑珊娑演底然後入則不爲所魘故曰思螺鶴
艸佩之孝順似松小艸忌置席間一日取蚌帕裏蝦蟆於
廁前一尺入地五寸埋之則孝順博物志曰戶布在戶嬾
人留連注月布也陰識傳章懷太子註臘日市豬肝塗竈
令嬾孝則當時原有此種魘法也

入山辟邪法○凡入山牽白犬白雞與鹽則葉寶并出百

步外口呼靈獸或呼林林央央則無恙一作林兵又曰入
山默念儀方即不見狼虺默念儀齋即不見虎摺後裙三
擢攝腰間則蛇不近得虎光入土之白石佩之凡渡江河
朱書禹字及手書土字除驚鳥恐行山慮迷握蠶蟲一枝於
手無恙嚙即土踊又神龜前左肩膈骨人穿以行則不迷
山此出道家言成式載婆娑珊波演底則華嚴呪也人心有
所依歸不動他慮則邪氣退避此內定之力也石以乾元
亨利貞入呪者推此可知北齊權會乘羸夜行忽二人引
之失路會恠之誦易經上篇未盡二人忽散陳徐陵病篤

子份燒香跪誦孝經三日陵疾豁然愈信得及否

穿肉法○穿耳者由鉛條而夾耳之肉久則自通以鉛能
入也穿肩由鐵鎖於腰而募佗者亦用此術先飲曼陀酒
而以鉛條夾看眼三日即通

驅筏法○江中木筏如山百人鳴鼓牽曳竟日行數里夜
斧柱剪牲呪之行數十里

互厭法○妖人之能遁形者厭以犬豕血不復遁能辟枝
寄枝者官印擊之或向之伏辜

憑物為恠○黎久見江有纜精巨纜久為恠也遂昌雜錄

言馮夢弼入蕃見馬蚱易蟪精也卽瑛續已編亦載梭三
舍人者梭纜也陳反諒敗將擲之爲衆魂所憑

託仙○方回虛谷間抄曰石老化白鶴太湖聖姑棺皆誣
說誰人耳一人傳虛衆人傳實蜀雜記云綿竹縣道人每
歲有白雲載之而去後乃知爲蟒精所攝按張道鳴鶴山
中亦爲蟒食其徒張皇其說今反以爲神陸遊舊聞曰蔡
京禮劉混康而林靈素以裝瘡跛求醫以符水呪之立愈
元符三年皂莢躍籠黃娼鳴嗥林爲金秋亂華之說其殆
讖乎

庚申殺尸義○人血以庚申日灑物上爲妖道家爲三彭
守庚申白香山皆信之庚申殺氣也

形家觸幾與占同徵○張續宣室志曰李林甫宅卽李衛
公宅泓師知其十九年盛以高馬改中門而禍謂離方不
宜忽高也張蒼朝野僉載言定州鼓城縣魏全家爲其母
忽失明問卜於王子貞云東來青衣人可療果有人爲持
斧砍井上桑爲曲轅而母目復明蓋曲桑蓋井所致也故
知形礙卽心礙十支加臨皆一端幾也此泓師卽告張說
以埋玉埋疏者

驗鍼法○堪與家驗土中有風有水蓋有捷術下水羅時以雄磁旋鍼數回而鍼搖者其下必有翻棺倒尸之風子午釘極移地不對者下有尸者鍼沈水者即主有水此理最奇

雄龍土鑿刻作雌龍埋雄於所王之洲埋雌於所欲逐之洲則其年發大水雌洲必交於雄洲矣
聲能感幽○作樂聲和可格異類洪鍾叩擊鬼物帖然要在冥心乃能一體而况正所以冥心也吳觀我太史曰鬼

神以誠為德

鬼幾○物理所曰聲漸低者鬼漸高者生魂鬼叫時童男女以甌聾耳聽之可作占斷凡鬼大色綠而細人立則不見踵則見甲戌年流寇未來人見滿郊綠火已而聞號奔聲未幾寇至死人如亂麻野火固因膏光然靈幾附物陰氣先動不可思議

致人思術○秘抄云野狐名紫夜夜載髑髏朝斗取其心合布穀鳥腦與狗初生口中媚肉和沈麝為香使人聞之則令人見思念識破者視冷水則已

見衰術○萬畢曰蛇脂為燈置水中即見諸怪物或作蚘
脂醬寧曰紫麻油以清水食之目視精魅鄧潛釜曰鷹眼
睛和乳研夜注目中三日見碧霄中物吞鼻目亦然蝙蝠
血滴目亦然貞白曰雲實燒之致鬼神即今粘刺臭艸也
鴉術與牡荊同燒青蛙入油鍋即此意

桃杖制鬼○甄異錄曰鬼畏東南桃枝故人取桃鍼以填
宅博物志曰桃根為印可以召鬼方士炒梟煉鬼用桃杖
制高陸以梟血滴之文子曰羿死桃部故鬼畏之部即梧
禮載桃荊其來久矣金申之言侯雍瞻家有與鬼交者得

病甚危後服雄黃桃花而愈

佩印○中皇制使虎豹法曰刻棗木為印方四寸用之道
士用雷擊棗木為令脾取其赤心而堅因雷而神唐六典
羨門式法亦以棗心為之歐陽玄朕車志云鬼畏白玉宜
佩白玉印以雄精囊盛之

畜辟邪○真誥曰學道山中宜養白雞白犬能辟邪靈
廣秘抄曰端午日以豬頭血和雄黃收之能制鬼午日以
雄黃塗狗口鼻以樟烟重之此犬即能制鬼雷煥令獵犬
見狐妖是也圖纂云五月戊辰日以豬頭祀竈埋石室四

隅則邪不入積驗錄六畜相鬪作人言皆熒惑下降火鬼
附託宜北方作坎埋豕犬血惟雞鵝屬東方陽氣而雄雞
尤雄故雞鬼為甚疾漢宣元時雌雞化雄永光中雞生角
周玘雌雞逃承雷七日而雄鳴劉象之家雞生三足皆謂
雞禍少夫曰老雞人言殺之則已黃昏鳴主有天恩非荒
雞類也燒雄雞入酒飲所求必得大清外術言畜蠶家雞
輒飛去雀實月令云臘月東門磔白雞頭以合藥白澤云
雞四距重翼者龍也殺之遭震王山長云長沙子雞翼生爪
犍牛禁術○萬安有善犍牛者不必縛木於角絆足而割

之也以米呪灑水於牛背上其牛安然聽犍

牛翁強弩○萬畢曰牛翁十四可以強弩注曰取牛翁十
四枚曲膳白頭者二十新布活塗裹之無令人見弩溫引
之按牛力也張舍曰牛翁謂牛蠅

致勝法○與人博奕背孤擊虛如甲子旬中戌為孤亥為
虛若為日辰所克則必輸矣人送邀會字來必壓之呪曰
伊諦彌諦彌揭羅諦念萬遍此即段成式所載擲投之呪
也入人家亦呪之急則搥鬚叩齒撮藍之巧不用箱夾綴
鉛之詭而多半隨其所呼以來除之數料之謂之盆口可

見小道一技用志不分亦能致此蓋攝心則不慄不慄則氣勝乘除盈虛觸於端幾心自本靈也可見慄之一字百無所用

助神術○塑神而賽會者以菹麻石熬海馬永置其腹則輿上左右動掣與人互相推曳謂之作隣禍福乃靈知此者或於前途以瓦書紫微令符則神不能通其術曰菹麻一株結子必有一子能動貴取此耳

塑像得旺○塑神像取上處得日辰王相則如塑金剛之類鳥雀不集龍馬言曰破廟中雀有至佛頂者而不近金

剛畏其狀猶獐也像者鏡光雀亦不近

制氣○上世如黃帝與蚩尤驅虎豹犀象應龍以戰又如劉累豢龍何也曰夫上世物各有官如玄冥為水官凡水中物各因其氣以制之故周官猶有登蛟伐鼃之說陰符經曰禽之制在氣卽且甘帶而蜘蛛螭蝎又能制之蚊蠚鼈則鼈立死而鼈骨又能熏蚊雞食蜈蚣蜈蚣又專嗜雞鯉魚乘兩能飛而鼈守之啄木鳥步而蟲出焉凡物皆有

好惡無制則偏五行相制亦互相生也然則狎龍驅虎之官猶可復乎上古事簡而民質聖人偶一出奇可也使令

日猶 龍驅虎之術則天人紛紛矣

召魔○魔崇所附隨月盛衰月浸盈則人若魔亦浸劇星亦有為魔所籍者故凡妖術測得其星相助相制或用一艸一石一禽獸以召魔其魔即來蓋緣月主人腦其光浸盈則性情之感腦受其動人畜物像於腦于時撓亂其人動其蓄像作諸惡想是由魔能測月乘機借氣而非月有施於魔也彼光測某時某星相助相制又能知人肉軀情態便於誘引緣此設惑使人誤信某星有命已之權轉相禳讖亦非星之有助於魔也月主腦不獨人也魚蛤犀兔

之類皆然

諸術有因○儲洙曰呪水自沸迺以豬囊袖中用午法助之日中多景者隱像於鏡設燈於旁燈鏡交輝傳影於紙也呪束烟起者藏藥於束或藏鏡於頂感召陽精舉束就鏡則久之而焦矣以夜遊艾納數葉合而為香烟聚為人身鳥翼之神巫以駭人其納香錢於水而隨即不見者迺用字齋水銀雜藥埋地七七日藥成投少許於水中錢即化也

伐木開山術○伐木出山者至誠齋戒請術士呪符釘小

路則雷雨衝開而去不必張中彥之長橋也洽聞記梓潼
郡縣大曆七年涪水泛水數千修城屋姚叔祥曰宋禮尚
書開山伐木而水忽自送於沐川今建皇極殿而工部陸
澹園得天津漂大楠千餘豈亦術耶嘉靖時大杉湧泗水
沙永平出大木三十
佩印入山制虎法○陳善曰抱朴子曰入山佩黃袖越章
之印見新虎跡以順印印之虎即去以逆印印之虎即還
拔虎鬚○拔虎鬚者非用字紙及麻布裏手則拔不出其
藏之者亦以字紙及麻布不然則走一云藏虎鬚入私采
數顆藏象尾入敗艸數莖二者皆為刺齒用又曰黃荊柴

戛虎鬚鬚輒落

膠虎術○侯鯖曰均房山中作枯木膠傅布給虎至斃又
云木艸八月後蟬與虎鬪而虎敗非力不足智有所窮也
或曰虎既履膠布以足加目脫之遂粘其目
入沸法○金正沸可以手捧之而行百步人多訝之此迎
耳蓋上沸而下不熱也凡煖酒其氣從上而下一壺身口
盡熱而酒甚猶冷必壺底熱然後酒始熱可以相證物理
所曰者真香油極沸沸極忽疑則冷入手探之不焦真臘
國以此詰盜

紙當火不燒○卜宅鬼者以紙炒米為鬼食米熟紙但煤而已
猶人以蕉煮餅蓋陽氣鬱則死取浮炭火齒正紅入甕閉之則成焯炭紙蕉不燒者亦鬱於下而不出其舌也
首澤浮鍼○取頭中垢以塗塞其孔置水即浮中通曰人油塗鍼上不須塞孔鍼皆能浮
苓皮蠟脂聚魚○苓皮蠟脂魚鼈自聚注曰取苓皮漬水斗半燒石如灰狀以碎蠟脂置苓皮水中七日已置沼則魚鼈自聚

擲劍伎○列子云蘭子弄七劍迭而躍之五劍常在空中

卮面推酒○懶膽分卮今試之但能使酒高二分而已丹鉛錄車渠杯注酒滿過一分不溢

挂錢法○術者以線挂錢燒線成灰而錢挂如故此以鹽醃線晒乾之挂錢則燒之而猶不斷浙者鹽以竹編而蚪灰塗之鹽與火同體也或曰線得生礬可以縛火暄曰或用蛋青
跳肉○盤中肉燒蝙蝠灰熱糝之肉自跳動斷螭虎尾用之尤躍陳藏器曰蚺蛇作膾著醋則捲筋不可脫
水圍戲○濃醃水入松香末蘸小篋圈揮之大小成毬飛去劉若遇言熹宗能戲以水拋空中成團

厭勝○南甘土司中金釭蠶夫婦裸體以祀之故籠底書
辟蠶爲其厭也刺蝟可制金釭蠶

破木工械法○楊穆言梓人造屋必爲厭鬼填物理所曰木
工造械必首領插墨簽禁之當取物鋸木腦歲識之落成
後劈萬片卽有械機不靈屋龍脊下椽宜開瓦宜仰椽單
瓦覆主不利

劍術○干將莫邪雌雄殉之來丹青練紗入無形魯句踐
所謂劍術果何指乎小說詭異今絕不見崇禎乙亥年中
都張留守貪虐爲劍術者斷其首去先期十日出帖如期

而然是時淮督爲揚一鵬索之不得噫窮鬱不伸書此且
一浮白

隱形術○出陰神出陽神播弄精魂耳大乘笑之究於己
無益也左茲入半羣冷謙歲甕中遊戲鋒鏑之世亦不快
乎萬曆末妖書一事忽一夕黏官中與城坊皆遍後緝獲
一繳生光以當之迺偽刻各衙門印者耳彭又朔有容成
黃治之術能推案入壁凡數易其形楊大洪左蒼嶼遇之
皆言其不免左公神易一卷卽此人所受也游肩生仕任
好異術祇以得禍粹訂幻人易牛馬首世豈無之正士灼

然始不惑耳達者間觀時寄言以出意則何往而非顧長
康之木葉也耶歐陽宗衡曰萬曆中浮提國人來江石數
日飛去從信錄記之徐巨原詳之時葉永盛處方不受其
緣字經照物石而遣之
泗汙法○先以憑而後去憑臍木是也一日入水驚動則
沈聽其自然則自浮起黑鬼生而習之者也南史胡濟行
水中數十里陳普曰鄭年能於海底行五十里物理所云
赤腹蜘蛛七夕捕之於屋溜陰乾為末塗足可行水又曰
取蜘蛛與水狗豬膏合置甕中蜜以新練蓋之縣後屋百
日視蜘蛛肥廼以塗足又云射木根如生人狀刻之有血

以塗足步水少夫曰誠之不驗或別有方毋廼汙人祝勝

也乎

暄曰行水底在能伏氣行水
面在能掛身豈塗足也哉

挾金馬迹○北之慣盜視馬蹄跡知馬上人橐中金云蹤

上帶灰也其地迹有深淺午後尤重

鹽船水泡○浙之宿捕聽船頭水聲知船中私鹽之有無

中通曰舵上有水
泡則知船內有鹽

捕逃法○捕逃奴帖倒書奴姓名捕逸囚牒倒用印易獲

無名異前燈御方○磨無名異塗燈前前燈燈斷粵種以

密粟塗臂置刀而擊之不傷密粟即無名異之類小石外

黃內黑入桐油去水氣則今之權乾也愚按以刀直置
上梧擊終不破皮此理耳鸞寧去無名異出西海州燒炭
之下百木之精也一名藥木膠胡人拊雞脰磨酒沃之遂
巡能行形如玉柳石而黑輕真者安鹿子臍卽生肉角一
曰東海樹各多茄取節煎膠是則無名異有石者木者
聚香鼎○周煇清波雜志言聚香鼎梁漸子曰多是蘇合
油伽刺汁煉銅爲之然則升菴所言武侯行鍋將是燃石
在其中耶

戲科斗○樟腦黃膿和勻染黑投水中作科斗自然走動

但欲潔淨油乎止之卽住

精靈氣液因感凝形正如孕女感異象而成鬼胎犀有所
見而想形于角可悟惟心所造實無而成故大乘破鬼窟
而聖人表正經

異事類

木血○堅木多年其汁有赤者陸敬叔伐木見血謂之彭
侯蜀志巴東有公孫述折柱長三丈破之有血出枯而不
朽老則為恠有物憑之至若武夷仙人架船水心巖沈香
棺則古來水漂者而木堅不壞也謂斲取方寸以祈雨者
則神之而適驗耳

怯夜幡○馮贇記事珠曰胡陽白壇寺幡日中有影月中
無影不知何故號怯夜幡龍焦言曰冰蠶絲絹月下無影
太陽則正明耳

雷電鐵索○茅元儀野航史話曰南唐陸昭符刺常州雷
雨暴至電光如金蛇繞案昭符叱之雷電遽收惟得鐵索
此亦異事當為格物者立一案也老父曰余遊凌雲寺雷
電中忽飛一石長七尺乃信火氣騰迅常遇物輒挾而來
或曰恠子曰宋五石隕六鷁飛而內史叔興以為非吉凶
所生管輅為王基筮曰君家有三恠而非所憂基家卒無
患君子信其常而已

赤蟲讖○元史於燕都建宮殿時掘地見赤頭蟲無萬數
術者曰將來代國家者此物也崇禎壬午年皇極鵠吻出

烟近察之乃細赤蠓如是飛者三日癸未孟冬享太廟衛
士夜驚有黑物如牛高數丈自午門奔端門也此是黑告
而赤蟲則從古未有也

鼠徙○古曰鼠無故皆夜去則邑有兵唐武德元年李密
王世充隔洛相拒密營中鼠一夕渡水嘉靖時有羣鼠銜
渡萬曆戊午己未江北有方鼠千萬銜尾渡江南蘆麥盡
為所咋其鼠頭方尾長天啓時曰鼠糾結如桴蔽江入蘆
葦根苗立盡張養默言短尾方喙小於鼠而足方長崇禎
壬午鼠銜尾渡江

釜飛釜鳴○物理所云牛膽塗釜釜鳴嬾穢衣裳釜釜飛
又云爨釜不沸者有物如豚居之去之無也釜鳴欲飛去
嬾男作女拜女作男拜則厭之又秘書云瓦甑之契投梟
自止注云取甑書契字置牆上有梟鳴時投之則甑鳴自
止中通曰釜受火氣大甚通體皆紅既紅則一釜全成火
體矣火性向上釜既成火故騰空飛起耳然釜雖全成
火體而鐵性尚存薄鐵不耐重火故騰空則顛顛有聲
暄曰甑上閉下熱氣貫卻則鳴釜竈近地卻氣貫亦鳴
鐘鳴欲飛○銅山崩洛鐘應固也大林寺鐘啞其甬銑鑿
也地中火氣迅埤而起如雷之出鐘適當之則鳴其氣重
則飛耳梧州雲蓋寺有銅鐘上鑄漢大寶元年愚按是南

漢劉鋹時年號也辛卯夏忽有聲久之翁翁然謫有動狀
愚以地梨蒜韭汁水潑之以溺甬溼其地遂止

太歲肉○往見小說言太歲飛入人家如人頭多竅而赤
邑劉鍊傳載董表儀家掘得肉塊以為太歲棄之河亦無
恙又按異物考載吳戊將鄧喜殺豬祠神治畢縣之忽見
一人頭往食肉喜射中之咋咋作聲繞屋三日近赤祥也
後人自喜謀北叛闔室受誅京房易妖曰山見葆江於邑
邑有兵狀如人頭赤色得非所謂太歲乎江隣幾以徐積
所埋之物如手者即白澤圖之封食之多力者也山海經

敦隅之山及開明南北東西海外竝有視肉郭云聚肉如
牛肝有兩目食之無盡此皆封類可食者升菴引作埤
雪錄洪武乙亥山陰天樂瀛掘得一物如小兒臂紅潤如
生蕭靜之食肉芝如人手肥紅九真寺陶潢上穴中得白
物如蛹長數丈割肉如豚三軍盡食

異像○崇禎辛巳曾同姜如須過後湖入一菴後殿封鐫
具施乃開皆裸佛交構形凡數百尊守者曰天地父母前
年太內發出者其像皆女生男身有三頭六臂者足下皆
踏裸男女累人背而疊之考元成宗大德九年天寧寺有

秘密佛卽言此像圓殿茜帽己兆演揲鄭所南久久書亦
言塑裸佛與妖女合是也其言邪教淫殺尤甚今口外之
刺馬僧猶有食肉近女如此等者但不取童男女血生刺
孕乳血以點佛唇爲供養耳然往往有異術如斷肢復續
之事無乃如北史之押不盧乎蓋自漢時卽有西域幻人
易牛馬首指端出浮圖者矣香山隩爲船口呂宋人常往
來有三巴寺隩嬪至寺得內謂之懺悔又何疑真臘之陳
遜乎若葛蘭國浮屠有濁肌者亦娶如寄謁唐房千里投
荒雜錄曰南方蠻以女配僧曰師卽愚者親見天雷苗中

有師娘者方許住菴令人摩阿溼毗之腹祈子則其俗然也

奇牙髮○外國嘗以獾齒充佛牙按陳章對齊桓胡克折齒三尺仙鑑張盥言海蝦蟆齒方圖二尺武夷志魏王顛骨如斗智少隨家君嘉定州州前凌雲寺有佛牙長尺餘以硃印之布施者則印回供養南史扶南傳迎佛髮長一丈二尺青紺色劉敬升亦云月支國佛髮盛以琉璃鬘此皆異物之尾也如外國自有桃大如斗而乃以王母蟠桃聞猶不悟耶佛以心宗為正法眼藏此外示恠皆毛道也

北塞穹廬東西泮皆屋○古稱毳帳謂其氈也或皮為之北塞以外大抵如是高句麗日本台灣皆有宮室外紀諸國建屋各異大西則以山牆為正面百爾西亞國一苑造於空際墨是可都城於湖中椿堅木而創起拂即察有藍石鋸板作瓦覆屋弗沙國一殿開三十門把都亞國有堂不立一柱梁如人字相倚好奇甚矣東臺僧孤朗言曾居西韃韞帳逾年帳大數丈往時封為吐麻慙統其諸部今封為吐失兔各以皇姑嫁之婿居別帳有信設宴則沐浴更衣而入叩首隅坐異日天明悄然而出其穹廬依河而

居不產五穀食乳酪牛羊其酒以馬乳爲之信佛以方寸
紙書百二圈持唵嘛呢叭咪吽見僧不受牛羊錢物則愈
敬其所受呪書坐恒列于右方貴右也

乙卯十一月膳完

衡



浮山此藏軒物理小識卷之十二終



